

《華嚴經普賢行願品》 補充講表

◎附表十五：（糅合《普賢行願品親聞記》、《普賢行願品輯要疏》）

○以智慧力，隨眾生心而為利益。（糅合《普賢行願品親聞記》）

◆利益眾生，要須智慧，方能應機設化。眾生為所隨，智慧是能隨，故云：以智慧力，隨眾生心而為利益。

○不久當坐菩提道場，……未來劫海，廣能利益一切眾生。

◆誦《普賢行願品》，速得成佛。但說久，不可執著定長；說不久，不可執著定短。說不久，是攝受語；說久，是折伏語。普賢菩薩行願廣大，願久行菩薩行。若有眾生應見佛時，未嘗不現佛身；然皆幻化，無眾生相，不妨度幻化眾生；無佛相，不妨成幻化佛。轉妙法輪，即宏法利生，隨眾生根器而利益之。未來劫海無窮盡，而廣行利益眾生，亦無窮盡。

※《大乘起信論》·分別發趣道相云：「是菩薩於一念頃，能至十方無餘世界，供養諸佛，

請轉法輪，唯為開導，利益眾生，不依文字。或示超地，速成正覺，以為怯弱眾生故；或說我於無量阿僧祇劫，當成佛道，以為懈怠眾生故。」

○彼諸眾生，若聞若信此大願王……除佛世尊，餘無知者。

◆結持經勝德，勸受持也。前已偏舉諷誦一行，通明五果。今略舉眾行，即書寫、供養、轉施、聽聞、披讀、受持、演說、諷誦、思惟、修習。十中，舉四略六，曰受持、讀、誦、廣為演說。如此種種功德，隨有其一，唯佛與佛乃能究竟知也。眾生不知，三乘知不究竟，故曰：餘無知者。

○是諸人等，於一念中，所有行願皆得成就，所獲福聚……阿彌陀佛極樂世界。

◆一念：深信不疑之一念。謂讀誦演說普賢行願品之人，仗普賢願王之力，所有行願，皆得成就。所獲福報，集聚一身，是自利也；能於煩惱大苦海中，拔濟眾生往生阿彌陀佛極樂世界，是利他至究竟也。

※《普賢行願品輯要疏》云：「大疏云：【殷勤頌德，意在勸持】。此一品經，文約義豐，

實修行之玄要，乃華嚴之幽鍵。功高德遠，人宜精修。印度王臣，無人不讀。」

※《大乘起信論裂網疏》卷六云：「故見一佛，即為見無量佛；生一土，即為生無量土。

念一佛，即是念一切佛，即為一切佛所護念。以法身不二故，生佛不二故，能念所念不二故。一念相應一念佛，念念相應念念佛；因該果徹，更無二故。」

○爾時普賢菩薩摩訶薩，欲重宣此義，普觀十方而說偈言：

◆此結集者文也。大士未說頌前，先以法眼普觀十方者，何居？答：為鑒現前大眾，能否欣樂故！

◆標舉說偈儀也。「重宣」即重頌也。重頌有四義：一、為後來之人得聞故。二、雖聞未解，說偈令悟故。三、長行文略，以偈廣之，令了解故。四、為結句易受持故。

◆「普觀十方」：觀十方之機，即是加被有緣眾生，令增智慧也。

△偈頌可分為八種：（以下糅合《普賢行願品輯要疏》）

一、孤起頌：沒有長行文，只有單獨的偈頌。

二、重頌：為後來未聞，欲令聞故。即對所宣說於前的經文內容，再以偈頌重宣一次。

三、複頌：用重頌的方法再說一遍，使令未解者能夠理解而悟入。

四、廣頌：長行文簡略，偈頌詳細。

五、略頌：長文已足，偈頌略之。

六、結頌（結：總結也）：為受持人，便記憶故。

七、超頌：長文在後，頌在前故。

八、追頌：長文在前，頌在後故。

■《普賢行願品》的偈頌屬於重頌，並且具有複頌、廣頌、略頌、結頌、追頌之意。

△此品一共有六十二首頌，分成三大段

- | | |
|------------|----------|
| 一、前五十二首頌—— | 明普賢菩薩因緣。 |
| 二、中有七首頌—— | 明受持此經功德。 |
| 三、後三首頌—— | 結勸受持。 |